



## **Universitätsbibliothek Paderborn**

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

**Genet, François**

**Parisiis, 1703**

Tractatus Tertius. De Sacramento Confirmationis.

**urn:nbn:de:hbz:466:1-40834**



## TRACTATUS TERTIUS.

DE

SACRAMENTO  
CONFIRMATIONIS.

## CAPUT PRIMUM.

*De Definitione, institutione, & necessitate Confirmationis.*

Quest. 1. *U id est Confirmation?*

Resp. **Q** Est Sacramentum à Christo Domino institutum, quo baptizati recipiunt specialem gratiam ad propugnandam fidem per impositionem manuum Episcopi, & unctionem sancti Chrismatis. Hæc definitio sufficieret explicabitur per sequentes quæstiones.

Quest. 2. *Quare hoc Sacramentum dicitur Confirmation?*

Resp. Hoc Sacramentum tripliciter nominatur, quippe vocatur manus impositio, ex modo conferendi ipsum; & dicitur Chrisma, ratione materiæ, & nuncupatur Confirmation ratione effectus; ut enim ait Catechismus

**De Sacramento Confirmationis.** Conc. Trid. *Ab eo nomen Confirmationis ei*  
**Sacramento Confirmationis.** *impositum est, quod hujus Sacramenti virtute Deus in nobis id confirmat quod Baptismo operari cœpit, nosque ad Christianæ soliditatis perfectionem adducit.*

Quest. 3. *Confirmatio est-ne Sacramen-*  
*tum?*

*De Sacramento Confirm. Cap. I. 109*

Resp. Est de fide, Confirmationem esse Sacramentum, cùm id definitum fuerit in Concilio Tridentino sessione 7. Can. 1. De Confirm. his verbis: *Si quis dixerit Confirmationem baptizatorum otiosam ceremoniam esse, & non potius verum & proprium Sacramentum, aut olim nihil aliud fuisse, quā Catechesim quandam, quā adolescentia proximi fidei sua rationem coram Ecclesia exponebant, anathema sit.*

Quæst. 4. Quandonam Christus instituit Sacramentum Confirmationis?

Resp. Dicendum est, inquit sanctus Thomas, quod Christus instituit hoc Sacramentum, non exhibendo, sed promittendo, secundum illud Joannis 6. Si non abiero, Paracletus non veniet ad vos: Si autem abiero, mittam eum ad vos. Et hoc ideo, quia in Sacramento datur plenitudo Spiritus sancti, quæ non erat danda ante Christi Resurrectionem & Ascensionem secundum illud Joan. 7. Nondum erat Spiritus datus, quia Jesus nondum erat glorificatus.

Quæst. 5. Quare oportet ut Christiani post Baptismum suscipiant Sacramentum Confirmationis?

Resp. Ratio habetur in Canone ubi legitur: *Spiritus sanctus qui super aquas Baptismi sanitifero descendit illapsu, in fonte plenitudinem tribuit ad innocentiam: in Confirmatione augmentum prestat ad gratiam. Et quia in hoc mundo tota etate viciuris, inter invisibilis hostes & pericula gradiendum est, in Baptismo regeneramur ad vitam, post Baptismum confirmamur ad pugnam: in Baptismo abluimur, post Baptismum roboramur. Et quamvis continuo transituris sufficient regenerationis beneficia, viciuris tamen necessar-*

D. Th. 3. p.  
q. 72. art. 34  
ad 1.

Can. Spiritus  
sanctus. De  
Consecr. dist.  
5.

## 110 TRACTATUS III.

ria sunt Confirmationis auxilia. Regeneratio per se salvat mox in pace beati scalpi recipiendos. Confirmatio autem armat & instruit ad agones mundi hujus & pralia reservandos.

Quæst. 6. Est-ne necessarium ad salutem suscipere Sacramentum Confirmationis?

Resp. Ut habetur in Catechismo Concilii Tridentini. Illud in primis docendum est, hoc Conc. De Sacram. Confir. S. 14. Sacramentum ejusmodi necessitatem non habere, ut sine eo salvus quis esse non possit. Quamquam verò necessarium non est, à nemine tamen prætermitti debet: sed potius maximè cavendum est, ne in re sanctitatis plena, per quam nobis divina munera tam largè impertiriuntur, aliqua negligentia committatur: quod enim omnibus communiter ad sanctificationem Deus proposuit, ab omnibus etiam summo studio expetendum est.

Can. Omnes. De Consecr. dist. 5.  
Hoc autem consonat Canonii ubi legitur: Omnes fideles per manus impositionem Episcoporum Spiritum-sanctum post Baptismum accipere debent, ut pleni Christiani inveniantur, quia cum Spiritus-sanctus infunditur, cor fidele ad prudentiam & constantiam dilatatur.

D. Th. 3. p. q. 72. art. 1. ad 3.  
Quare, ut ait Divus Thomas: *Sine Confirmatione potest esse salus, dum tamen non prætermittatur ex contemptu sacramenti.* Qua etiam de causa in Canonibus pœnitentialibus in quintum præceptum habetur: *Cum filius sine Confirmationis Sacramento moritur, parentes, quorum negligentia id factum est, pœnitentiam agint annos tres.*

Quæst. 7. Quomodo probari potest contra hæreticos, Confirmationem esse Sacramentum novæ legis?

Resp. Probatur primò ex his quæ leguntur

### De Sacramento Confirm. Cap.I. III

Aetorum cap. 8. v. 4. Cum autem audissent Apostoli, qui erant ferosolymis, quod recipisset Samaria verbum Dei, miserunt ad eos Petrum & Joannem, qui cum venissent, oraverunt pro ipsis, ut acciperent Spiritum sanctum: nondum enim in quemquam illorum venerat, sed baptizati tantum erant in nomine Domini Iesu. Tunc imponebant manus super illos, & accipiebant Spiritum-sanctum.

Iste locus Actuum Apostolorum communiter interpretatur à Patribus de Sacramento Confirmationis. Sanctus Cyprianus ait. Sed tantummodo quod deerat, id à Petro & Joanne Epist. 73. Ad factum est, ut oratione pro eis habita, & Iubajanum manu imposta, invocaretur & infunderetur super eos Spiritus-sanctus. Quod nunc quoque apud nos geritur, ut qui in Ecclesia baptizantur, prepositis Ecclesia offerantur, & per nostram orationem, ac manus impositionem, Spiritum-sanctum consequantur.

Sanctus Hieronymus in libro quem scripsit contra Luciferianos his verbis inducit Luciferianum loquentem: An nescis etiam Ecclesia-  
rum hunc esse morem, ut baptizatis postea manus imponantur, & ita invocetur Spiritus-  
sanctus? Exigis ubi scriptum sit? In actibus Apostolorum; etiam si scripture autoritas non subesset, totius orbis in hanc partem consensus, instar praecepti obtineret: nam & multa alia qua per traditionem in Ecclesiis observantur, autoritatem sibi scripta legis usurpaverunt.

Non quidem abnuo hanc esse Ecclesiarum consuetudinem, ut ad eos, qui longè in minoribus urbibus per Presbyteros & Diaconos baptizati sunt, Episcopus ad invocationem sancti Spiritus manum impositurus excurrat.

Et Innocentius Papa primus, qui vivebat

## 112 TRACTATUS III.

initio quinti saeculi, ex hoc loco actuum Apostolorum probat, quod Sacramentum Confirmationis non debet conferri nisi ab Episcopis.

Innoc. I. E.  
Pist. Ad De-  
centium.

*Hac autem, ait, Pontificibus solis deberi, ut vel consignent, vel Paracletum Spiritum tradant, non solum consuetudo Ecclesiastica demonstrat, verum et illa lectio Actuum Apostolorum qua afferit, Petrum et Joannem esse directos, qui jam baptizatis traherent Spiritum-sanctum. Nam Presbyteris Chrismate baptizatos ungere licet, non tamen frontem ex eodem oleo signare, quod solis debetur Episcopis, cum tradunt Spiritum Paracletum.*

Tandem Erasmus in suis eruditis Commentariis in novum Testamentum explicans caput octavum Actuum Apostolorum ait: Ceterum, ubi rumor jam pertulisset Ierosolymam ad Apostolos, qui ibi resederant, Samarium per Philippum amplexam esse sermonem Evangelium, gentem crassam, nec omnino puram ab idolatria, vehementer gavisi, miserunt ad illos Apostolorum principios, Petrum et Joannem, ut per hos comprobaretur et absolvetur quod per Philippum erat coeptum. Qui cum eo venissent, didicissentque, quod plurimi per Philippum essent baptizati, gratias egerrunt Deo. Philippus autem quique cum illo erant, rogaverunt Apostolos pro illis, ut acciperent Spiritum-sanctum, ut qui per Baptismum jam essent a peccatis purgati, copiosius etiam Dei donum acciperent, quemadmodum acceperant illi, qui primi in canaculo Spiritum-sanctum acceperant: nondum enim in quemquam illorum venerat, sed baptizati rantur erant in nomine Domini Iesu. Erat hac potestas Diaconis delegata, sed impositio manuum per quam conferebatur Spiritus.

De Sacramento Confirm. Cap. I. 113  
sanctus , solis Apostolis & eorum Vicariis  
servabatur.

## C A P U T I I .

### De Materia , forma & Ministro Confirmationis.

Quest. I. Q UÆNAM est materia Sacra-  
menti Confirmationis ?

Resp. In hoc Sacramento sicut & in aliis,  
duplex distinguitur materia ; proxima , & re-  
mota : Materia remota hujus Sacramenti , s. Carol. Act  
ut ait Divus Carolus , est Chrisma , quod ex p. 4. De Sa-  
oleo & balsamo , solemni Episcopi consecratio- cram. Confir.  
ne conficitur.

Rationem affert Divus Thomas cùm dicit :

Chrisma est conveniens materia hujus Sacra- D. Th. 3. p.  
menti. Sicut enim dictum est , in hoc Sacra- q. 72. art. 2.  
mento datur plenitudo Spiritus-sancti ad ro- in corp,  
bur spirituale , quod competit perfecta etati ;  
homo autem cùm ad perfectam etatem per-  
venerit , incipit jam communicare actiones  
suas ad alios ; antea verò quasi singulariter  
sibi ipsi vivit : gratia verò spiritus sancti in  
oleo designatur , unde Christus dicitur esse  
unctus oleo latitia propter plenitudinem Spi-  
ritus-sancti quam habuit ; & ideo oleum com-  
petit materia hujus Sacramenti. Admisetur  
autem balsamum propter fragrantiam odoris  
qua redundat ad alios. Vnde Apostolus dicit  
2. ad Corinth. cap. 2. Christi bonus odor su-  
mus Deo , &c. Et licet multa alia sint odori-  
fera , tamen præcipue accipitur balsamum ,  
propter hoc quod habet præcipuum odorem , &  
quia etiam incorruptionem prestat. Vnde Ec-

## 114 TRACTATUS III.

*c*i*. 24. dicitur. Quasi balatum non mixtum  
odor meus.*

Materia proxima hujus Sacramenti est Unctio quam facit Episcopus cum Chrismate in modum Crucis super frontem Confirmandi, & impositio manuum.

*Quest. 2. Quænam est forma Sacramenti Confirmationis?*

Pontificale  
Rom.

*Resp. Forma hujus Sacramenti consistit in verbis quæ profert Episcopus, cùm applicat unctionem Chrismatis nempe, Signo te signo Crucis, confirmo te Chrismate salutis, in nomine Patris, & Filii, & Spiritus-sancti.*

Advertendum tamen est, nos hīc loqui de materia & forma Confirmationis juxta communiter receptam Theologorum & Canonistarum sententiam; non tamen improbamus sententiam aliquorum Theologorum, qui assertunt, materiam & formam à nobis allatas esse tantum accidentales, non vero essentiales huic Sacramento, cuius materia & forma essentiales apud ipsos, sunt impositio manuum Episcopi & oratio quæ additur huic manuum impositioni.

*Quæ Doctrina videtur esse conformis Scripturæ sacræ & traditioni. Dicitur enim Act. 8. Oraverunt pro ipsis ut acciperent Spiritum-sanctum: tunc imponebant manus super illos & accipiebant Spiritum-sanctum.*

Tertullianus libro de Baptismo cap. 8. ait. Dehinc manus imponitur per benedictionem advocans & invitans Spiritum-sanctum. S. Cyprianus Epist. 73. Nunc quoque apud nos geritur, ut qui in Ecclesia baptizantur, Prepositis Ecclesia offerantur & per nostram orationem ac manuum impositionem Spiritum-sanctum consequantur. S. Hieron. Dial. ad-

*De Sacramento Confirm. Cap. II. 115*  
versus Lucifer. S. Chrysoft. in cap. 8 Act. &  
in cap. 6. ad Hebr. S August. 15. lib. de  
Trinitate cap. 26. *Apostoli orabant, ut ve-*  
*niret Spiriuus-sanctus in eos quibus manum*  
*imponebant, quem moveat in suis Pr&oppositis*  
*etiam nunc Ecclesia servat. Idem habet in*  
*expositione Epist. ad Rom. lib. 3. de Baptismo*  
*cap. 16. Et Tract. 6. in Joann.*

Concilium Moguntinum anno 1549. cap.  
17. Ea verò, inquit, uterant à Christo pro-  
missa, ipsis Apostolis in die Pentecostes exhi-  
bita, & ab eisdem per manus impositionem in  
alios transfundi coepit, actus ipsorum satis  
testantur; undè Ecclesia Catholica Spiritum-  
sanctum per manus Episcoporum Fidelibus  
tradendi normam accepit.

Concilium Narbonense anno 1609. Sancto-  
rum Constitutionibus, inquit, constat nos in  
Baptismo regenerari ad vitam, & post Baptis-  
mum in hoc sacramento (*Confirmationis*)  
quo per impositionem manuum Episcopi Spi-  
ritus sanctus diffunditur in corda Fidelium, ro-  
bur atque fortitudinem dari.

*Quæst.* 3. Benedictio Chrismatis facta ab  
Episcopo, est-ne necessaria ad validitatem  
Sacramenti Confirmationis? an requiritur  
tantum ad solemnitatem, uti est benedictio  
aquaæ in Sacramento Baptismi?

*Resp.* Benedictio Chrismatis ab Episcopo est  
necessaria ad validitatem hujus Sacramenti,  
quod quidem probatur auctoritate Innocentii  
III. relati in Canone: *Presbyteris, inquit, Can. Presby-*  
*Chrismate baptizatos ungere licet, sed quod teris. De Con-*  
*ab Episcopo fuerit consecratum: non tamen febr. dist. 44*  
*frontem ex eodem oleo signare, quod solis de-*  
*betur Episcopis, cum tradunt spiritum Para-*  
*cletum.*

Cujus rationem affert Divus Thomas, cùm

## 116 TRACTATUS III.

D. Tho. 3. p. ait: Dicendum quod tota Sacramentorum san-  
q. 71. art. 3. clificatio à Christo derivatur. Est autem con-  
siderandum quod quibusdam Sacramentis ha-  
bentibus materiam corpoream Christus est  
usus: scilicet Baptismo & etiam Eucharistia;  
& ideo ex ipso usu Christi materia horum  
Sacramentorum aptitudinem acceperunt ad  
perfectionem Sacramenti. Vnde Chrysostomus  
dicit, quod nunquam aqua Baptismi purgare  
peccata credentium possent, nisi tactu Domini-  
ni corporis sanctificata fuissent. Et similiter  
ipse Dominus accipiens panem, benedixit:  
similiter autem & Calicem ut habetur Matth.  
26. & Luce 22. Et propter hoc non est de ne-  
cessitate horum Sacramentorum, quod mate-  
ria prius benedicatur, quia sufficit benedictio  
Christi; si qua verò benedictio adhibeatur,  
pertinet ad solemnitatem Sacramenti, non  
autem ad necessitatem. Unctionibus autem  
visibilibus Christus non est usus, ne fieret in-  
juria invisibili unctioni, qua est unctus pra-  
consortibus suis, Psal. 44. & ideo tam Chris-  
ma, quam oleum Sanctum infirmorum prius  
benedicuntur, quam adhibeantur ad usum  
Sacramenti.

Quast. 4. Quisnam est minister Sacramenti  
Confirmationis?

Resp. Solus Episcopus, ut habetur in Ca-  
san. Manūs. none: Manūs quoque impositionis Sacra-  
mento Consecr. tum magna veneratione tenendum est, quod  
ab aliis perfici non potest nisi à summis Sa-  
cerdotibus; nec tempore Apostolorum ab aliis  
quam ab ipsis Apostolis legitur aut scitur per-  
actum esse, nec ab aliis quam illis qui eorum  
tenent locum, unquam perfici potest, aut  
fieri debet. Nam si aliter prasumptum fuerit,  
irritum habeatur & vacuum, & inter Eccle-  
siastica nunquam reputabitur Sacramenta-

*De Sacramento Confirm. Cap. II. 117*

Reverà, ut dicitur Aëtium Apostolorum cap. 8. Cùm audissent Apostoli qui erant feros polymis, quòd recepisset Samaria verbum Dei, miserunt ad eos Petrum & Joannem, qui cùm venissent; oraverunt pro ipsis, ut acciperent Spiritum-sanctum. Tunc imponebant manus super illos, & accipiebant Spiritum-sanctum. Episcopi autem sunt successores Apostolorum, non autem Sacerdotes.

*Quæst. 5. Quare hoc Sacramentum à solis Episcopis conferri potest?*

*Resp.* Ratio Divi Thomæ sumitur ex hujus Sacramenti dignitate. Dicendum, ait, quod D. Th. 3. p. in quolibet opere ultima consummatio suprema q. 72. art. 11. arti, aut virtuti reservatur; hoc autem Confirmationis Sacramentum est quasi ultima consummatio Sacramenti Baptismi: ita scilicet quod per Baptismum edificatur homo in dominum spiritualem; & conscribitur quasi quædam Spiritualis Epistola. Sed per Sacramentum Confirmationis quasi domus edificata in templum Spiritus-sancti, & quasi Epistola conscripta signatur signo Crucis; & ideo collatio hujus Sacramenti Episcopis reservatur qui obtinent summam potestatem in Ecclesia: Sicut & in primitiva Ecclesia, per impositionem manus Apostolorum, quorum vicem gerunt Episcopi, plenitudo Spiritus-sancti dabatur, ut habetur. Act. 8. Vnde Urbanus Papa dicit. Can. Omnes. De Consecr. dist. 5. Omnes Fideles per manus impositionem Episcoporum Spiritum-sanctum post Baptismum accipere debent, ut pleni Christiani inventiantur.

*Quæst. 6. Potest-ne aliquando licere Presbyteris administrare Sacramentum Confirmationis?*

*Resp.* Id speciali commissione summi Pon-

## 118 TRACTATUS III.

tificis fieri posse videatur, ut patet ex Divo Gregorio, qui scribens ad Januarium Episcopum ait: *Pervenit ad nos, quosdū in scandilizatos fuisse, quod Presbyteros Chrismate tangere eos qui baptizati sunt prohibuimus. Et nos quidem secundum veterem usum nostra Ecclesie fecimus: sed si omnino hac de re aliqui contristantur, ubi Episcopi desunt, ut Presbyteri etiam in frontibus baptizatos Chrismate tangere debeant, concedimus.*

D. Th. q. 72. art. 11. ad 1. *Hoc autem, ut ait Divus Thomas: Ex plenitudine potestatis concessit beatus Gregorius Papa, quod simplices Sacerdotes hoc Sacramentum conferrent.*

Refertur etiam in Decreto Eugenii IV. in Concilio Florentino. *Per Apostolicā sedis dispensationem ex rationabili & urgente admodum causa, simplicem sacerdotem Chrismate per Episcopum confecto hoc Sacramentum Confirmationis aliquando administrasse.*

## CAPUT III.

De Dispositionibus ad Confirmationem  
& de ejus effectibus.

Quæst. 1. **Q**uid agendum est à Parochis, cùm mandatum acceperunt ab Episcopo præparandi sibi iubitos, ad Confirmationem suscipiendam?

S. Carolus  
Act. p. 1. tit.  
Quæ perti-  
nent ad Sa-  
cram. Con-  
firm,

Resp. Ex sancto Carolo: *Parochi, anima-  
rumque Curatores populum doceant, quanto reli-  
gionis studio suscipiendum sit Confirmationis  
Sacramentum cuius ministrandi solus Episco-  
pus ordinariam potestatem habet. Videant  
item, ne quis eorum qui sibi in curam traditi  
sunt, illud suscipere negligat. Quare præ-*

*De Sacram. Confirm. Cap. III. 119*

moneant, quoniam etiam Concilii Vormatiensis  
Canonc sancitum est, ut quicumque intra Pa-  
rochia sue fines habitant, neque confirmati  
adhuc sunt, illud omnes suscipiant qui etate  
sunt, quia Episcopus eos duxerit esse debere  
qui ad hoc Sacramentum tunc accedant. Ela-  
borent præterea idem, ut qui adulta etate  
confirmandi sunt, primò de peccatis confe-  
teantur; tunc etiam admoneant ut jejuni il-  
lud suscipiant cum manè ministratur.

Reliqui etiam diligenti cohortatione denun-  
tient, quæ ad hoc Sacramentum rectè sancte-  
que suscipiendum pertinent.

Quæst. 2. Quænam sunt dispositiones neces-  
sariæ ad validè suscipiendam Confirmatio-  
nem?

Resp. Constat, Confirmationem non posse  
validè administrari, nisi baptizatis, ut enim  
ait Divus Thomas; Dicendum quod charac- D. Tho. 3. p.  
ter Confirmationis ex necessitate presupponit q. 71. art. 64  
characterem Baptismalem: ita scilicet, quod in corp.  
si aliquis non baptizatus confirmaretur, ni-  
bil reciperet; sed oportet iteratio ipsum con-  
firmari post Baptismum. Cujus ratio est, quia  
sic se habet Confirmation ad Baptismum, sicut  
augmentum ad generationem. Manifestum est  
autem, quod nullus potest promoveri in etate  
perfectam, nisi primò fuerit natus, &  
similiter nisi primò aliquis fuerit baptizatus,  
non potest Sacramentum Confirmationis ac-  
cipere.

Quæst. 3. Quænam etate suscipiendum est  
hoc Sacramentum?

Resp. Ex Catechismo Romano: Illud obser- Catechis.  
vandum est, omnibus quidem post Baptismum Concil. Tri-  
Confirmationis Sacramentum posse adminis- denr. p. 1.  
trari; sed minus tamen expedire hoc fieri an- De sacram.  
tequam pueri rationis usum haberint. Quare 15.

120 TRACTATUS III.

si duodecimus annus non expectandus videatur, usque ad septimum certe hoc Sacramentum differre maximè convenit.

Conc. Medio.  
1. de his quæ  
pertinent ad  
Sacram. Con-  
firm. admi-  
nis.

Conc. Me-  
diol. 5. tit.  
Quæ ad Con-  
firm. Sacra-  
mentum per-  
tinent,

Idem statuit sanctus Carolus. Minori septennio Confirmationis Sacramentum nemini praebatur.

Quæst. 4. Licet-ne unquam administrare hoc Sacramentum pueris ante septennium?

Resp. Ut ait Divus Carolus: *Si Episcopus ob aliquam causam justam, atque adeo necessariam, parvulo & infanti, qui non modo etatem septem annorum expleat, sed ne attingat quidem, ministrandum aliquando censuerit, ne sit veritum. Iis vero minoribus natu atque adeo parvulis si quandoque ministrabitur, eorum parentes, vel qui curam gerunt, Parochus moneat, ut etate procedente eos ea re certiores faciant, ne parentibus curatoribusque postea mortuis, ipsi aliquando dubient, an hoc Sacramentum, quod iterari nefas est, susceperint.*

Quæst. 5. Quanam ex causa licet administrare hoc Sacramentum ante septennium?

Resp. Licet cum aliquis puer versatur in periculo mortis, ne decadat sine gratia Confirmationis, ut enim ait Hugo de sancto Victore relatus à Divo Thoma: *Omnino periculosum q. 72. art. 8. effet, si ab hac vita sine Confirmatione migrare contingeret: non quia damnaretur, nisi forte propter contemptum; sed quia detrimentum perfectionis pateretur. Vnde etiam pueri confirmati decedentes majorem gloriam consequuntur, sicut & hic majorem obtinent gratiam.*

Glossa. De Consecr. dist. jejuni; Numquid minorem habebit gloriam s. verbo, In parvulus non Confirmatus? videtur quod sic, Confirmatione, quia in Confirmatione datur augmentum gratiae.

Quæst. 6.

*De Sacram. Confirm. Cap. III. 121*

Quæst. 6. Requiritur ne status gratiæ ad suscipiendum Sacramentum Confirmationis, hoc est, ad recipiendam gratiam cum charactere?

Resp. Est absolutè necessarium, ut enim ait sanctus Antoninus. *Advertendum quod si quis s. Ant. 3. p. renuntiasse tibi juri suo alicujus dignitatis, Col. 14. c. 3. firmatio nihil vel modicum sibi valeret, nisi sibi jus redderetur: sic in proposito, qui renuntiat gratia Baptismali, quod sit per mortale commissum, postea accedens ad Confirmationem cum eo, non confirmaretur in gratia, nec augeretur sibi gratia: immo mortaliter peccaret, & magis debilitaretur in anima, quamvis characterem reciperet indelebilem; & hoc nisi restitueretur sibi prius gratia amissa, quod non sit nisi per paenitentiam.*

Quæst. 7. Quænam sunt aliæ dispositiones necessariae ad recipiendum fructuose hoc Sacramentum?

Resp. Illas dilucidè explicat Divus Carolus his verbis; *Illud vero Parochus maximè habbitur, ut huic Sacramento cum spiritu sancti gratia uberrimè conferatur, ad eam consequendam se jejuniis, eleemosynâ, qui per facultates possunt, aliisque pietatis officiis & operibus parent; atque in primis frequenter & ardenter religiosa orationis studio devote sese exerceant, exemplo sanctorum Apostolorum, qui dum expectarent Spiritum sanctum perseverantes erant in oratione & jejunio. Secundum saltem, ut pridiè diei Confirmationis jejunent qui possunt.*

Et ut ait Catechismus Concilii Tridentini. *Qui adulta jam aetate confirmandi sunt, si quidem hujus Sacramenti gratiam & dona consequi cupiant, eos non solum fidem & pie-tatem afferre, sed graviora etiam peccata.* §. 4.

*Tomus III.*

S. Carol. Act.  
p. 4. De praeparatione  
ante ministr.  
Sacram. Conf.

Catech. Con-cil. Trident.  
p. 2. De Con-  
firm. Sacram.

F

## 112 TRACTATUS III.

qua admiserunt, ex animo dolere oporteat.  
Quia in re elaborandum est, ut peccata etiam  
prius confiteantur, & Pastorum cohortatione  
ad jejunia & alia pietatis opera suscipienda  
incitentur.

Quest. 8. Quinam sunt effectus hujus Sacra-  
menti?

Resp. Tres sunt hujusmodi effectus: Pri-  
mus communis aliis Sacramentis est, quod  
producit augmentum gratiae in suscipiente,  
modo cum debitis dispositionibus illud susci-  
piat: ut enim habetur in Canone. *Spiritus-  
sanctus. De sanctus in fonte Baptismi plenitudinem tribuit  
Consecr. dist. ad innocentiam: in Confirmatione augmen-  
tum praestat ad gratiam. In Baptismo rege-  
neramur ad vitam, post Baptismum confir-  
mamur ad pugnam. In Baptismo ablui-  
mur, post Baptismum roboramur.*

Secundus effectus hujus Sacramenti pecu-  
liaris est, quod perficit gratiam Baptismalem,  
& corroborat seu confirmat addendo vires spi-  
rituales ad tuendam interius fidem adversus  
omnes carnis tentationes, & exterius adversus  
inimicos fidei etiam cum periculo vitae, ut  
videtur in Canone mox citato.

Tertius hujus Sacramenti effectus est, quod  
imprimit in anima suscipientis characterem  
spiritualem, & indelebilem, ut definitum est  
in Concilio Tridentino, sess. 7. Can. 9. Qua-  
re, ut ait Gregorius II. relatus in Canone.

*Can. De homi- De homine qui à Pontifice confirmatus fuerit,  
ne. De Con- denuò illitalis iteratio prohibenda est.  
secr. dist. 5.*

In Confirmatione, ait Divus Thomas, ac-  
D. Th. 3. p. cipit homo potestatem ad agendum ea quae per-  
q. 72. art. 5. tinent ad pugnam spiritualem contra hostes  
in corp. fidei, sicut patet exemplo Apostolorum, qui  
antequam plenitudinem Spiritus-sancti acci-  
perent, erant in cœnaculo perseverantes in

*De Sacram. Confirm. Cap. IV. 123*  
oratione; postmodum verò egressi non vereban-  
tur publicè fidem fateri, etiam coram inimicis  
fidei Christianæ; & ideo manifestum est,  
quod in Sacramento Confirmationis imprimi-  
tur character.

---

## C A P U T   I V.

### *De Ceremoniis Sacramenti Confirma- tionis.*

Q uæst. I. **U**ARE requiritur ut aliquis  
teneat Confirmandum, ipsum-  
que sifstat Episcopo?

Resp. Ex Divo Thoma. Dicendum quod, D. Th. 3. p.  
sicut dictum est, hoc Sacramentum exhibetur q. 72. art. 10.  
homini ad robur pugna spiritualis. Sicut au- in corp.  
tem aliquis de novo natus indiget instructione  
in iis qua pertinent ad conversationem vita,  
secundum illud Hebr. 12. Patres quidem car-  
nis nostræ habuimus eruditores, & revereba-  
mur eos; ita illi qui assumuntur ad pugnam,  
indigent eruditibus à quibus instruantur de  
his qua pertinent ad modum certaminis: &  
ideo in bellis materialibus constituuntur Duces  
& Centuriones per quos alii gubernentur. Et  
propter hoc etiam ille qui accipit hoc Sacra-  
mentum, ab alio tenetur, quasi per alium in  
pugna spirituali erudiendus: similiter quia  
per hoc Sacramentum confertur homini per-  
fectio spiritualis & tatis, sicut dictum est; ideo  
ille qui ad hoc Sacramentum accedit, suspen-  
tatur, quasi spiritualiter imbecillis & puer.

Hic autem nota, quod qui non est baptiza-  
tus, vel non Confirmatus, non debet esse sus-  
ceptor in Sacramento Confirmationis; quia  
tenens aliquem ad Confirmationem, tenet

## 124 TRACTATUS III.

eum tanquam infirmum, & adhuc imbecilem; hoc autem fieri non potest à non Confirmato, cùm sit ipse etiam imbecillus, & infirmus. Quare non confirmatus non potest esse patrinus in Sacramento Confirmationis.

Quest. 2. Contrahitur-ne aliqua affinitas in Sacramento Confirmationis, sicut in Baptismo?

Can. Nedum. Resp. Ut ait Bonifacius Papa relatus in Catechismo, omnino contrahitur; sic enim ait. Ex De Cognat. Confirmatione quoque, seu frontis Chrisma- spirituali in 6. tione, spiritualis cognatio eisdem modis con- trahitur, matrimonia similiter impediens con- trahenda, & dirimens post contracta.

Conc. Trid. Et Concilium Tridentinum ait; Ea quoque sess. 24. De cognatio qua ex Confirmatione contrahitur, Ref. Matr. Confirmantem & Confirmatum, illiusque cap. 2. Patrem & Matrem ac tenentem non egrediatur.

Quest. 3. Quid significat alapa quam Episcopus leviter, infligit Confirmato?

S. Carol. A&T. Resp. Episcopus, inquit sanctus Carolus, p. 4. De Sa- eum leviter in maxilla cedit, quem Chris- eram. Confirm. mate confirmat, ut sciat homo Christianus, se jam militem esse, cuius pugna & Victoria eluceat in patientis injuryis, non in illis inferendis; deinde se in Christiana militia constitutum esse, in qua non hujus vita jucunditates & commoda querat, sed incommoda potius, atque adeo mala multa patienter ferat. Ac præterea intelligat officii sui esse, in acie stare, telaque unde veniant observare: ita ut, quamvis illis telorum iecibus corpus, honor, opesque ladantur, anima tamen nullo pacto offendatur.

Quest. 4. Quare Episcopus Confirmatum signat Chrismate signo Crucis in fronte?

Resp. In Sacramento Confirmationis, ait

*De Sacram. Confirm. Cap. IV. 125*

Divus Thomas, homo accipit Spiritum-sanc- D. Th. 3. p.  
tum ad robur spiritualis pugna, ut fortiter q. 72. art. 9.  
etiam inter adversarios fidei Christi fidem in corp.  
confiteatur. Vnde convenienter signatur Chris-  
mate signo crucis in fronte, propter duo. Pri-  
mò quidem, quia insignitur signo Crucis,  
quod quidem habet esse evidens & mani-  
festum: inter omnia autem loca corporis hu-  
mani, maximè frons manifesta est, qua  
quasi nunquam obtegitur: & ideo linitur  
Confirmatus Christmate in fronte, ut in ma-  
nifesto demonstret se esse Christianum: sicut  
& Apostoli post acceptum Spiritum-sanctum se  
manifestaverunt, qui prius in cœnaculo late-  
bant. Secundò quia aliquis impeditur à libe-  
ra confessione nominis Christi propter duo,  
scilicet propter timorem & propter verecun-  
diā: utriusque autem horum signum maxi-  
mè manifestatur in fronte, propter duo scili-  
cet, propter propinquitatem imaginationis, &  
propter hoc, quod spiritus à corde directè ad  
frontem ascendunt, unde verecundati erubes-  
cunt, timentes autem pallescunt. Et ideo in  
fronte signatur Christmate, ut neque propter  
timorem, neque propter erubescientiam nomen  
Christi confiteri prætermittat.

Quæst. 5. Quare Episcopus pacem dat  
Confirmato?

Resp. Ex sancto Carolo; Parochus postremò s. Carol. A. Et.  
pacem Confirmatis dari ostendit, ut intelli- p. 4. De Sa-  
gant se gratia plenitudinem, & pacem qua cram. Confirm.  
exuperat omnem sensum consecutos esse.

187  
188